

MINISTARSTVO PRIVREDE

400

Na osnovu člana 55. stav (2) Zakona o organizaciji organa uprave u HNK („Službene novine HNK“, broj 9/09) i člana 28. stav (4) Zakona o koncesijama Hercegovačko-neretvanskog kantona („Službene novine HNK“, broj 1/13), Ministar privrede Hercegovačko-neretvanskog kantona donosi:

P R A V I L N I K**O****PRIJEDLOGU, DOKUMENTACIJI I****POSTUPKU ZA DODJELU KONCESIJE ZA****EKSPLOATACIJU NEMETALNIH MINERAL-****NIH SIROVINA PUTEM SAMOINICIJATIVNE****PONUDE****POGLAVLJE I - OPĆE ODREDBE****Član 1.**

Ovim Pravilnikom propisuje se sadržaj prijedloga, dokumentacija i postupak za dodjelu koncesije za eksploataciju nemetalnih mineralnih sirovina (uključujući sve sekundarne mineralne sirovine utvrđene posebnim zakonom) putem samoinicijativne ponude na području Hercegovačko-neretvanskog kantona.

POGLAVLJE II - PRIJEDLOG ZA DODJELU KONCESIJE**Član 2.**

Prijedlog za dodjelu koncesije sadrži sljedeće podatke:

- a) naziv i adresu podnosioca prijedloga (mjesto, ulica i broj, broj telefona, ime i prezime osobe za kontakt i druge podatke koji mogu poslužiti za efikasniju komunikaciju),
- b) predmet koncesije,
- c) razlog za davanje koncesije,
- d) podatke o načinu i rokovima obezbjeđenja sredstava za finansiranje koncesione djelatnosti i drugih finansijskih obaveza koncesionara,
- e) rok trajanja koncesije,
- f) osnovne uslove za realizaciju koncesije, namjeni korištenja predmeta koncesije,
- g) ocjenu o očekivanim prihodima i rashodima u vezi sa predmetom koncesije za sve vrijeme za koje se daje koncesija i tehnološke mogućnosti za njezino izvršavanje,

- h) podatke o uticaju na infrastrukturu i druge privredne oblasti kao i uticanju koncesione djelatnosti na jedinstvo tehničko-tehnoloških sistema i njihovo efikasno funkcionisanje i racionalno upravljanje,
- i) način plaćanja izvršavanja koncesionih obaveza,
- j) ocjenu o uticanju djelatnosti koja je predmet koncesije na životnu sredinu,
- k) ocjenu o potrebnom broju radnih mjesta i kvalifikovane radne snage u vezi sa izvršavanjem koncesije,
- l) podatke o neophodnosti rješavanja imovinsko-pravnih odnosa,
- m) druge podatke vezane za specifičnost predmeta koncesije.

Član 3.

Uz prijedlog za dodjelu koncesije, podnosi se dokumentacija kojom se dokazuje ispunjenost uslova koji se odnose na: ekonomske, finansijske, socijalne, stručne i tehničke pokazatelje, kao i uticaj radova i objekata na životnu sredinu, a čije ispunjenje je neophodno za dodjelu predmeta koncesije.

Član 4.

(1) U prilogu prijedloga za dodjelu koncesije, podnosi se sljedeća dokumentaciju (u originalu ili ovjerenj kopiji, ne starija od 3 mjeseca od dana dostavljanja prijedloga), kojom se dokazuje ispunjenost uslova iz člana 3. ovog Pravilnika:

- a) Opšti podaci o privrednom društvu:
 - 1) Izvod iz sudskog registra sa upisanim šiframa djelatnosti koje se odnose na eksploataciju mineralne sirovine za koju se podnosi zahtjev za dodjelu koncesije,
 - 2) Uvjerenje o poreznoj registraciji i
 - 3) Uvjerenje o registraciji obveznika poreza na dodanu vrijednost (ukoliko je obaveznik po Zakonu o porezu na dodanu vrijednost).
- b) Ekonomski pokazatelji:
 - 1) Studija ekonomske opravdanosti za eksploataciju predmetne mineralne sirovine.
- c) Finansijski pokazatelji:
 - 1) Dokument kojim podnosilac prijedloga za dodjelu koncesije dokazuje da raspolaže potrebnim finansijskim sredstvima ili potvrda banke ili druge finansijske institucije da će podnosiocu prijedloga obezbijediti potrebna finansijska sredstva za realizaciju predmeta koncesije,
 - 2) Bilans stanja i Bilans uspjeha privrednog društva za posljednje tri godine (za društva koja posluju manje od tri godine, potrebno je

Hercegovačko-neretvanskog kantona

- dostaviti minimalno posljednji Bilans stanja i Bilans uspjeha),
- 3) Potvrda/uvjerenje nadležnog poreskog organa o redovnom plaćanju poreza,
 - 4) Potvrda/uvjerenje o izmirenim obvezama po osnovu PDV-a (ukoliko je obaveznik po Zakonu o porezu na dodanu vrijednost),
 - 5) Potvrda/uvjerenje nadležnog organa o redovnom plaćanju doprinosa za PIO/MIO i zdravstveno osiguranje i
 - 6) Dokaz o izmirenim obvezama po osnovu plaćanja koncesione naknade za eksploataciju mineralne sirovine (ukoliko je privredno društvo već ranije imalo zaključen ugovor o koncesiji).
- d) Dobar ugled privrednog društva:
- 1) Uvjerenje nadležnog suda da privredno društvo i odgovorna osoba u privrednom društvu nije u posljednje dvije godine proglašeno krivim u prekršajnom postupku za ozbiljan profesionalni prekršaj iz oblasti rudarstva,
 - 2) Uvjerenje nadležnog suda da se protiv privrednog društva i odgovorne osobe u privrednom društvu ne vodi prekršajni postupak zbog kršenja propisa kojim se sankcioniraju profesionalni prekršaji iz oblasti rudarstva,
 - 3) Uvjerenje nadležnog suda da se protiv privrednog društva i odgovorne osobe u privrednom društvu ne vodi krivični postupak, odnosno da nije kažnjavano za krivična djela protiv privrede, poslovanja i sigurnosti platnog prometa, krivičnih djela iz oblasti poreza, krivičnih djela protiv imovine, krivičnih djela protiv okoliša, poljoprivrede i prirodnih dobara, krivičnih djela podmićivanja i krivičnih djela protiv odgovorne dužnosti i krivičnih djela protiv sistema elektronske obrade podataka i
 - 4) Uvjerenje nadležnog suda da privredno društvo ni(je) pod stečajem ili likvidacijom (ukoliko je društvo pod stečajem, dužno je dostaviti usvojen plan reorganizacije društva i dokaz da je na dan otvaranja stečajnog postupka imalo više od 100 zaposlenika).
- e) Stručna i tehnička osposobljenost privrednog društva:
- 1) Prikaz zaposlenih stručnih radnika i njihovih referenci i opreme kojom društvo raspolaže,
 - 2) Lista referenci podnosioca prijedloga za dodjelu koncesije (prikaz rudarskih radova koje društvo obavlja ili je obavljalo u posljednje tri godine s ukupnim vrijednosnim iznosima, datumima i primateljima) i
 - 3) Dokumentacija koja se odnosi na odobrena i izvršena geološka istraživanja mineralne sirovine čija je eksploatacija predmet koncesije (projekat detaljnih geoloških istraživanja, odobrenje za izvođenje geoloških istraživanja, elaborat i izvještaj o provedenim geološkim istraživanjima, elaborat o klasifikaciji, kategorizaciji i proračunu rezervi mineralne sirovine, rješenje o potvrđivanju količina i kvaliteta mineralne sirovine i ostala dokumentacija u vezi sa geološkim istraživanjima).
- f) Podaci o zemljištu na kojem će se vršiti eksploatacija:
- 1) Situacioni plan-kartu sa ucrtanim granicama eksploatacijskog polja,
 - 2) Zemljišnoknjižni izvadak, kopija katastarskog plana i posjedovni list za parcele na kojim će se vršiti eksploatacija,
 - 3) Urbanistička saglasnost za eksploataciju mineralne sirovine koja je predmet koncesije,
 - 4) Okolinska dozvola za eksploataciju mineralne sirovine koja je predmet koncesije i
 - 5) Dokaz da je podnosilac prijedloga za dodjelu koncesije regulisao imovinsko-pravne odnose sa vlasnikom zemljišta na kojem će se vršiti eksploatacija mineralne sirovine (ukoliko se radi o zemljištu u privatnom vlasništvu).
- (2) U svrhu utvrđivanja osnovanosti prijedloga za dodjelu koncesije, može se tražiti i dostava drugih dokaza.
- Član 5.
- Studija ekonomske opravdanosti projekta je pisani projekat o stepenu tehničko-tehnološke, socijalne, pravne i ekonomske opravdanosti dodjele koncesije, a koja obavezno sadrži sljedeće podatke:
- a) uvod (osnovni podaci o investitoru, autorima studije i ciljevima investiranja),
 - b) opis predmeta koncesije,
 - c) analizu i ocjena razvojnih mogućnosti investitora,
 - d) analizu tržišta,
 - e) prikaz generalnog projekta i tehničko-tehnoloških rješenja,
 - f) analizu nabavnog tržišta,
 - g) prostorne i lokacijske aspekte,
 - h) analizu životne sredine i zaštite na radu,
 - i) analizu organizacijskih i kadrovskih aspekata,
 - j) analizu izvodljivosti i dinamike realizacije projekta,
 - k) ekonomsko-finansijsku analizu,
 - l) ocjenu projekta,

Hercegovačko-neretvanskog kantona

- m) ocjenu u uslovima neizvjesnosti,
- n) idejni projekat,
- o) procjenu postojanja javnog interesa,
- p) procjenu s ciljem zaštite okoline,
- r) mogućnosti i ograničenja pravne prirode,
- s) ispitivanje prirodnih uslova,
- t) detaljne podatke o tehničko-tehnološkim i ekonomskim opravdanostima,
- u) urbanističko-tehničke mogućnosti i ograničenja,
- v) popis pribavljenih dozvola, odobrenja, saglasnosti i drugih akata nadležnih organa, te popis preostalih potrebnih odobrenja, saglasnosti i akata,
- w) procjenu rizika i
- x) zaključna razmatranja.

Član 6.

Dokumentaciju iz člana 4. stav (1) tačka e) alineja 3), podnosilac prijedloga za dodjelu koncesije neće morati dostavljati, ukoliko Ministarstvo raspolaže istom u službenoj evidenciji.

POGLAVLJE III - POSTUPAK ZA DODJELU KONCESIJE

Član 7.

(1) Za razmatranje prijedloga za dodjelu koncesije i dokumentacije dostavljene u prilogu istog, Ministar privrede Hercegovačko-neretvanskog kantona Rješenjem imenuje Komisiju.

(2) Komisiju čine četiri člana odgovarajuće struke i to: diplomirani inženjer rudarstva, diplomirani inženjer geologije, diplomirani ekonomist i diplomirani pravnik.

(3) Svaki od članova Komisije, prijedlog i dokumentaciju iz stava (1) ovog člana, razmatra u okviru svojih stručnih znanja i kvalifikacija.

(4) Rješenjem iz stava (1) ovog člana propisuju se poslovi i zadaci svakog člana Komisije.

(5) O svom radu Komisija vodi Zapisnik.

Član 8.

(1) Zadatak Komisije je da utvrdi da li je prijedlog za dodjelu koncesije i dokumentacija iz člana 2., 4. i 5. ovog Pravilnika dostavljena u potpunosti.

(2) Ukoliko Komisija utvrdi nepotpunost dostavljene dokumentacije, o tome će obavijestiti Ministra, radi preduzimanja mjera propisanih Zakonom o upravnom postupku („Službene novine Federacije BiH“, broj 2/98, 48/99).

Član 9.

(1) Nakon što Komisija utvrdi da je podnosilac prijedloga dostavio svu potrebnu dokumentaciju, svaki od članova će shodno članu 7. stav (3) i (4) ovog Pravilnika, pristupiti utvrđivanju uslova iz člana 3. ovog Pravilnika.

(2) Komisija će izraditi Izvještaj o sadržaju dostavljene dokumentacije koji će sadržavati sljedeće:

- a) informaciju o potpunosti dokumentacije,
- b) informaciju da je dokumentacija formalno ispravna (da je dostavljena u originalu ili ovjerenoj kopiji - ne starije od 3 mjeseca),
- c) informaciju o urednoj registraciji pravnog subjekta,
- d) informaciju o kvaliteti studije ekonomske opravdanosti projekta,
- e) informaciju o raspolaganju ili mogućnošću obezbjeđenja finansijskih sredstava potrebnih za realizaciju predmeta koncesije,
- f) informaciju o podacima iz Bilansa stanja i Bilansa uspjeha privrednog društva,
- g) informaciju da li privredno društvo redovno izmiruje poreske obaveze, doprinose za PIO/MIO i zdravstveno osiguranje,
- h) informaciju da li privredno društvo redovno plaća koncesijske naknade (ukoliko je već imalo ili ima zaključen ugovor o koncesiji),
- i) informaciju da li je privredno društvo i odgovorna osoba osuđivana za prekršaj iz oblasti rudarstva odnosno krivično djelo, te da li se protiv njih trenutno vodi prekršajni odnosno krivični postupak,
- j) informaciju da li je privredno društvo pod stečajem ili likvidacijom (ukoliko je otvoren stečaj, informaciju o tome da li je usvojen plan reorganizacije društva i da li je na dan otvaranja stečajnog postupka imalo više od 100 zaposlenika),
- k) informaciju o listi referenci privrednog društva, zaposlenim stručnim radnicima, njihovim referencama i opremi kojom društvo raspolaže,
- l) informaciju o odobrenim i izvršenim geološkim istraživanjima mineralne sirovine čija je eksploatacija predmet koncesije,
- m) informaciju o tome da li je podnosiocu prijedloga za dodjelu koncesije izdata urbanistička saglasnost za eksploataciju mineralne sirovine koja je predmet koncesije,
- n) informaciju o tome da li je podnosiocu prijedloga za dodjelu koncesije izdata okolinska dozvola za eksploataciju mineralne sirovine koja je predmet koncesije i

o) informaciju o zemljištu na kojem će se vršiti koncesija i uređenim imovinsko-pravnim odnosima sa vlasnikom zemljišta.

(3) Izvještaj iz stava (2) ovog Pravilnika, sa Prijedlogom za dodjelu koncesije sa priložima, Komisija će dostaviti Ministru, a u cilju davanja mišljenja i provođenja procedure iz člana 28. Zakona o koncesijama Hercegovačko-neretvanskog kantona („Službene novine HNK“, broj 1/13).

POGLAVLJE IV - ZAVRŠNE ODREDBE

Član 10.

Ovaj Pravilnik stupa na snagu osmog dana od dana objavljivanja u „Službenim novinama HNK“.

Bosna i Hercegovina
Federacija Bosne i Hercegovine
Hercegovačko-neretvanski kanton
Ministarstvo privrede

Broj: 07-02-02-336-2/13
Mostar, 26.8.2013.godine

Ministar
Amer Zagorčić, s.r

MINISTARSTVO SAOBRAĆAJA I VEZA

401

Na osnovu člana 25. Zakona o županijskim ministarstvima (“Narodne novine HNŽ”, broj: 4/98, 1/02 i 4/07) i člana 55. Zakona o organizaciji uprave u Hercegovačko-neretvanskom-kantonu (“Narodne novine HNŽ”, broj: 9/09) a u svezi sa člankom 85 Zakona o cestovnom prijevozu na području HNŽ (“Narodne novine HNŽ”, broj: 6/13), ministar Saobraćaja i veza, d o n o s i :

RJEŠENJE

O IMENOVANJU KOMISIJE ZA IZRADU PRAVILNIKA O NAČINU IZGLEDU I SADRŽAJU ZAHTJEVA ZA IZDAVANJE DOKUMENATA ZA VRŠENJE DJELATNOSTI IZ OBLASTI JAVNOG PRIJEVOZA PUTNIKA ILI TERETA I PRAVILNIKA O NAČINU ORGANIZACIJE I BROJU VOZILA JAVNOG GRADSKOG PRIJEVOZA

I.

Imenuje se Komisija za izradu Pravilnika o izgledu i sadržaju zahtjeva za izdavanje dokumenata za vršenje djelatnosti iz oblasti javnog prijevoza putnika ili tereta i Pravilnika o načinu organizacije i broju vozila javnog gradskog prijevoza, u sastavu:

Davorin Pehar, dipl.ing.prom, predsjednik

Tihomir Vulić, dipl.ing.prom, član

Ivica Šimunović, dipl.ing.prom, član

Slavenka Markić, dipl.iur

Zlato Mikulić, ing.prom

Za tehničko lice Komisije imenuje se Zdravka Čilić.

II.

Zadatak Komisije je :

Izrada Pravilnika o izgledu i sadržaju zahtjeva za izdavanje dokumenata za vršenje djelatnosti iz oblasti javnog prijevoza putnika ili tereta i Pravilnika o načinu organizacije i broju vozila javnog gradskog prijevoza.

III.

Rok za izvršenje zadataka iz tačke II ovog Rješenja je do 05.11. 2013. godine.

IV.

Za učešće u radu Komisije, njenim članovima, pripada naknada sukladno odredbama člana 4 i